

ՀԱՇՎԵՏՎՈՒԹՅՈՒՆ

**«ԵՐԵՎԱՆԻ ԿԱՄԵՐԱՅԻՆ ՊԵՏԱԿԱՆ ԹԱՏՐՈՆ» ՊՈԱԿ-Ի ՏՆՕՐԵՆ
ԼՈՒՍԻՆԵ ԵՐՆՋԱԿՅԱՆԻՆ 2026 ԹՎԱԿԱՆԻ ՀՈՒՆԻՍԻ 27-30-Ը ՆԵՐԱՌՅԱԼ
ԹԲԻԼԻՍԻ ՄԻՋԱԶԳԱՅԻՆ ԹԱՏԵՐԱԿԱՆ ՓԱՌԱՏՈՆԻՆ ՄԱՍՆԱԿՑԵԼՈՒ
ՆՊԱՏԱԿՈՎ ՎՐԱՍՏԱՆ (ՔԱՂԱՔ ԹԲԻԼԻՍԻ)
ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ**

1. Անունը, ազգանունը, զբաղեցրած պաշտոնը. –

Լուսինե Երնջակյան, «Երևանի կամերային պետական թատրոն» ՊՈԱԿ-ի տնօրեն,
ռեժիսոր:

2. Գործուղման վայրը և ժամկետները. –

Վրաստան, ք. Թբիլիսի, 2026 թվականի հունիսի 27-30-ը ներառյալ:

3. Հրավիրող կողմը. –

Թբիլիսիի միջազգային թատերական փառատոնի (Tbilisi International Festival of Theatre) գեղարվեստական ղեկավար Եկատերինա Մազմիշվիլիի հրավերով (հրավերը կցվում է):

4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը). –

Գործուղման հիմնական նպատակն էր մասնակցել Tbilisi International Festival of Theatre միջազգային թատերական փառատոնին, որի շրջանակում 2026 թվականի հունիսի 28-ին «Theatre Factory 42» թատերական հարթակում ներկայացվել է Երևանի կամերային պետական թատրոնի «ԱԶՆԱՎՈՒՐ. ճանապարհորդություն ժամանակի և երաժշտության միջով» ներկայացումը:

Գործուղման նպատակն էր միջազգային մշակութային հարթակում ներկայացնել հայկական թատերարվեստը և Հայաստանի ազգային հերոս, աշխարհահռչակ շանսոնյե Շառլ Ազնավուրի ստեղծագործական ժառանգությունը, ամրապնդել թատրոնի միջազգային կապերը, ընդլայնել համագործակցության շրջանակը և քննարկել ապագա համատեղ ծրագրերի իրականացման հնարավորությունները: Ներկայացումը մեծ հետաքրքրությամբ և ջերմ ընդունելությամբ է արժանացել հանդիսատեսի կողմից: Ներկայացմանը ներկա է գտնվել շուրջ 260 հանդիսատես, այդ թվում՝ մոտ 30 հրավիրված հյուր: Դա հիվանդում ներկա էին նաև Թբիլիսիի հայկական համայնքի բազմաթիվ ներկայացուցիչներ, որոնք բարձր են գնահատել ներկայացման գեղարվեստական մակարդակը և կարևորել Հայաստանի պետական թատրոնի մասնակցությունը միջազգային փառատոնին: Ներկայացումից հետո համայնքի

ներկայացուցիչներն իրենց ցանկությունն են հայտնել, որպեսզի Երևանի կամերային պետական թատրոնը հետագայում ևս հյուրախաղերով հանդես գա Թբիլիսիում:

5. Քննարկված թեմաները. –

Փառատոնի շրջանակում տեղի ունեցած մասնագիտական հանդիպումների ընթացքում քննարկվել են հետևյալ հարցերը.

- «Երևանի կամերային պետական թատրոն» ՊՈԱԿ-ի հնարավոր մասնակցությունը Թբիլիսիի միջազգային թատերական փառատոնին հաջորդ տարի,
- Հայաստանի և Վրաստանի թատերական կազմակերպությունների միջև համագործակցության ընդլայնման հնարավորությունները,
- Ժամանակակից թատերարվեստի զարգացման միտումները,
- միջազգային մշակութային փոխանակումների և մասնագիտական փորձի փոխանակման կարևորությունը,
- համատեղ ստեղծագործական նախագծերի, փառատոնային ծրագրերի և հյուրախաղերի կազմակերպման հնարավորությունները:

6. Հանդիպումները, ելույթները, բարձրացված կամ քննարկված հարցերը. –

ա) Հանդիպում Թբիլիսիի միջազգային թատերական փառատոնի գեղարվեստական ղեկավար Եկատերինա Մազմիշվիլիի հետ.

Կայացել է աշխատանքային հանդիպում փառատոնի գեղարվեստական ղեկավար Եկատերինա Մազմիշվիլիի հետ, որի ընթացքում քննարկվել են «Երևանի կամերային պետական թատրոն» ՊՈԱԿ-ի հնարավոր մասնակցությունը փառատոնի հետագա ծրագրերին, ինչպես նաև միջազգային համագործակցության ընդլայնման, ժամանակակից թատերարվեստի զարգացման, մասնագիտական փորձի փոխանակման և համատեղ նախագծերի իրականացման հեռանկարները:

բ) Հանդիպում Թբիլիսիի Պետրոս Ադամյանի անվան պետական հայկական դրամատիկական թատրոնում.

Կայացել է հանդիպում Թբիլիսիի Պետրոս Ադամյանի անվան պետական հայկական դրամատիկական թատրոնի տնօրեն Արմեն Բայանդուրյանի հետ:

Հանդիպման ընթացքում կազմակերպվել է շրջայց թատրոնում, ներկայացվել են թատրոնի գործունեությունը, ընթացիկ ծրագրերը և ստեղծագործական աշխատանքները: Այնուհետև քննարկվել են թատրոնի զարգացման ընթացիկ մարտահրավերները, ժամանակակից թատերական գործընթացները, ինչպես նաև Երևանի կամերային պետական թատրոնի հյուրախաղերի կազմակերպման և հետագա համագործակցության հնարավորությունները:

7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը. –

Գործուղման ընթացքում կայացած հանդիպումների շրջանակում քննարկվել են «Երևանի կամերային պետական թատրոն» ՊՈԱԿ-ի՝ Թբիլիսիում ապագայում հյուրախաղերով հանդես գալու հնարավորությունները:

Թբիլիսիի Պետրոս Ադամյանի անվան պետական հայկական դրամատիկական թատրոնի շենքը ներկայումս գտնվում է վերակառուցման փուլում, իսկ շահագործման հանձնումը նախատեսվում է 2026 թ. նոյեմբերին: Վերաբացումից հետո կողմերը պատրաստակամություն են հայտնել վերադառնալ հյուրախաղերի կազմակերպման հարցի քննարկմանը և, հնարավորության դեպքում, իրականացնել Երևանի կամերային պետական թատրոնի հյուրախաղերը Թբիլիսիում:

Պայմանավորվածություն է ձեռք բերվել պահպանել մասնագիտական կապերը, շարունակել տեղեկատվության փոխանակումը և համապատասխան պայմանների առկայության դեպքում քննարկել համագործակցության հետագա ձևաչափերն ու համատեղ ծրագրերի իրականացման հնարավորությունները:

Գործուղման ընթացքում որևէ փաստաթուղթ չի ստորագրվել:

8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատվությունը, ակնկալվող արդյունքները. –

Նպատակահարմար է շարունակել համագործակցությունը Թբիլիսիի միջազգային թատերական փառատոնի և Վրաստանի թատերական կազմակերպությունների հետ՝ մասնակցելով միջազգային փառատոնային ծրագրերին, ստեղծագործական փոխանակումներին և համատեղ մշակութային նախաձեռնություններին:

Առաջարկվում է 2026-2027 թվականների ընթացքում պահպանել մասնագիտական կապերը փառատոնի կազմակերպիչների և Թբիլիսիի Պետրոս Ադամյանի անվան պետական հայկական դրամատիկական թատրոնի հետ, պարբերաբար իրականացնել տեղեկատվության փոխանակում և քննարկել համատեղ ծրագրերի իրականացման հնարավորությունները:

Ակնկալվում է, որ ձեռք բերված պայմանավորվածությունները կնպաստեն Հայաստանի և Վրաստանի միջև մշակութային համագործակցության խորացմանը, «Երևանի կամերային պետական թատրոն» ՊՈԱԿ-ի միջազգային գործունեության ընդլայնմանը, հայկական թատերարվեստի առավել լայն ներկայացմանը միջազգային հարթակներում, ինչպես նաև երկարաժամկետ ստեղծագործական համագործակցության ձևավորմանը:

**“Երևանի կամերային պետական թատրոն”
ՊՈԱԿ-ի տնօրեն՝ Լուսինե Երնջակյան**

01.07.2026 թ.

